


**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Tuig XXXIV No. 15  
Septyembre 7, 2003  
[www.philippinerevolution.org](http://www.philippinerevolution.org)

Editorial

# Pasingkion ang paghimakas sang pumuluyo agud pukanon ang rehimeng US-Arroyo



**M**adasig nga nagalala ang pagkahamulag sa pumuluyo sang rehimeng US-Arroyo. Isa ka mabaskog nga pangpulitika nga krisis ang nagatay-og su-bong sa nagahari nga estado nga nagahana sang temprano nga pagtapos sa paginahum sang nga rehimeng Arroyo, pareho man sa rehimeng Estrada kag dik-taduryang Marcos, nga lunsay gintabog bangud sa pagkapapet, militarismo kag ka-garukan.

Ginaukay subong sa publiko ang dalagku nga kaso sang korapsyon lunsay sa Malakanyang kag sa AFP nga ginbuyagyag sang pag-alsa militar sadtong Hulyo 27 kag sang mga pulitiko nga pangontra ni Arroyo. Nakaykay man ang res-ponsibilidad sang rehimeng Arroyo sa terorista nga pagpangbomba sa Davao sining una nga bahin sang tuig, amo man ang mga kahalitan nga bunga sang militarisasyon sa kaumhan bangud sa terorista nga todo-gera ni Arroyo.

Lubos nga ginkaakig sang malapad nga pumuluyo ang mga kaso sang dalagkuan nga kagarukan sang mag-asawa nga Arroyo, amo man ang mga personahe nga suod sa ila, labina nga isa ka pag-alsa sang minilyun-milyon nga pumuluyo batuk sa mga kagarukan sang gubyernong Estrada ang nagpwesto sa poder sa rehimen.

Ginagatungan ini sang mabaskog nga kaakig sang pumuluyo nga Pilipino sa pagkapapet kag militarismo sang rehimeng Arroyo. Bunga sang mga polisiya nga makadumuluong kag kontra-pumuluyo sang papet nga republika sa idalom sang rehimeng Arroyo, labing nagalala ang krisis sa ekonomiya kag ang pag-kawasak sang mga pwersa sa produksyon kag kabuhi sang masang anakbalhas. Ginahatagan-dalan sini ang nagadalom nga interbensyon militar sang US, kag sa sulsol sang US, gi-namandu ang nagabaskog nga militarisasyon nga nagaresul-ta sa nagapadamo nga kaso sang paglapas sa tawhanon nga kinamatarung.

Sa pagpamuno sang mga ligal nga pwersa pungsodnon-demokratiko, ang mga papet kag militarista nga polisiya sang

**Mga tampok  
sa isyu nga ini...**

**Iskandalo  
nga Jose Pidal**

PAHINA 3

**22 armas, naagaw  
sg BHB sa mga reyd,  
ambus**

PAHINA 4

**Mga tropa sg AFP,  
CAFGU, nag-entra sa  
BHB Sa Agusan PAHINA 5**

rehimeng US-Arroyo ang padayon nga ginapamatukan sang pumuluyo. Mabaskog nga bunal ang ginabaton sang rehimen halin sa mga paghulag sang mga pwersa nga patriyotiko kag demokratiko batuk sa Mutual Logistics Support Agreement (MLSA) nga nagahatag-ligwa sa militar sang US nga gamiton ang bilog nga pungsod bilang daku nga base militar sini; batuk sa mga Balikatan *war exercises* nga naghatag-dalan sa malapnagon nga interbensyon militar sang US sa Pilipinas; kag batuk sa bulag nga pagsuporta ni Arroyo sa mga gera nga agresyon kag okupasyon sang US sa Afghanistan kag Iraq.

Sa amo man, ginaprotesta sang pumuluyo ang kapaslawan sang rehimeng Arroyo nga pungan ang sunod-sunod nga pagtaas sa presyo sang langis, sukot sa tubig kag kur-yente. Labi nga nahamulag ang rehimeng Arroyo sa mga mamumugon kag ordinaryo nga empleyado sa pagbalibad sini nga hatagan-dalan ang pagtaas sang minimum nga suhol kag sweldo sa kahimtangan nga padayon nga pagtaas sang presyo sang mga basehang balakon kag serbisyo.

Ginasukot sang masang mangu-nguma ang rehimeng Arroyo sa ka-

wad-on sang matuod nga reporma sa duta kag, malaut pa, sa rekonsentra-syon sang pagpanag-ya sang duta sa mga daan kag bag-o nga tipo sang agalon nga mayduta. Tampok diri ang paghatag-dalan sang rehimen sa pagpang-agaw ni Eduardo "Danding" Cojuangco sang pila ka pulo ka libo kag lubos nga kontrol sa gatos libo pa nga ektarya nga ulumhan sang mga mangunguma nga lubos ginsay-lo sa iya plantasyon sang balinghoy. Daku man ang kasal-anan ni Arroyo sa mga mangunguma sa paghatag-lisensya sa malaparan nga pagpanalaka sa mga kaumhan sang talamnon nga *genetically modified* nga magahatag sang nagapadaku nga ganansya para sa dumuluong nga agribis-nes samtang nagapatay sa mga natu-ral nga pananum sang mga mangu-nguma kag nasamad sa kapalibutan.

Kadungan sini, ang masang mangunguma man ang yara sa unahan sang mga pagpamatuk sa nagasingki nga militarisasyon sa kaumhan. Sila ang pangunahon nga biktima sang gindeklarar ni Arroyo nga todo-gera nga nakasentro sa wala sang iban kundi sa masang mangunguma. Mabaskog nga kaakig ang nagsug-alaw kay Arroyo sa iya pagsab-it me-dalya kay Col. Jovito Palparan sang


Mindoro-ang pinakamodelo sang terorismo sang rehimeng Arroyo.

Ang malala nga krisis nagabunga sang nagsasingki nga intrigahan kag bangga sa kubay sang mga reaksyunaryo kag nagalab-ot sa dugang nga kalakasan, labina nga wala pa sang nagatuhaw nga may makahulusga nga bentaha sa inaway sa pagkapresidente sa 2004 samtang nagatinambak kag nagadaku ang mga isyu nga paksyunal, pungsodnon kag pangkatilingban nga nagatublag sa bug-os nga pumuluyo. Maukod nga nagaplano ang mga reaksyunaryo nga oposisyon sang sari-sari nga maniobrahan kag padihot lakip ang pagtuyo nga kudeta ukon destabilisasyon kag bisan pagdupla agud paghalinon si Arroyo sa labing madali nga panahon agud indi na niya magamit ang iya pusisyon para magdaog sa eleksyon 2004.

Nagakadapat lang nga hingalitan sang Partido kag sang ginapamunuan sini nga mga rebolusyonaryong pwersa ang tuman ka paborable nga sitwasyon paagi sa dugang nga pagpapagsik sang kahublagan kag mga paghimakas masa kag propaganda, dugang pa nga pagpalapad sang rebolusyonaryo nga nagahiliugyong prente kag labi pa nga pagpasingki sang mga taktikal nga opensiba.

Dugang nga isulong sang mga demokratikong pwersa ang mga paghimakas masa batuk sa pagkapapet, militarismo kag korapsyon sang rehimeng Arroyo kag ang mga malaparan nga paghulag sa kalye agud ipamilit ang pagpahalin kay Gloria Arroyo. Kakumbinar sang malaparan nga ahitasyon kag propaganda, pinakamalahalon ang tum-ok naton sa maid-id nga propaganda, dugang nga pagorganisa kag pagpahulag sa masa sa mga baryo, pabrika, komunidad, eskwelahan kag karsada.

Ang labi nga pagkahamulag ni Arroyo maga-engganyo sang padamo nga padamo nga pwersa nga nakahanda makig-isa sa mga patri-

 <p>Tuig XXXIV No. 15 Septyembre 7, 2003</p> <p>Ang <b>Ang Bayan</b> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.</p> <p>Mahimo ini i-download halin sa Philippine Revolution Web Central nga makit-an sa:</p> <p><b>www.philippinerevolution.org.</b></p> <p>Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.</p> <p>Malab-ot kami paagi sa e-mail sa: <b>angbayan@yahoo.com</b></p>	
<b>Kaundan</b>	
<b>Editorial</b>	
Pasingkion ang paghimakas sang pumuluyo agud pukanon ang rehimeng US-Arroyo	<b>1</b>
Jose Pidal	<b>3</b>
<b>Madinalag-on nga opensiba</b>	<b>4</b>
Mga suldado sg AFP, ginabuyok mag-entra sa BHB	<b>5</b>
Mga suldalo, nag-entra sa BHB	<b>5</b>
Pagpamuno sg Partido sa lokalidad	<b>6</b>
Si Ka Leo sa kaumhan	<b>8</b>
Armado nga pagbato sa Iraq	<b>9</b>
<b>Balita</b>	<b>11</b>
<p>Ang <b>Ang Bayan</b> ginabantala duha ka beses kada bulan sang Komite Sentral sang Partido Komunista sang Pilipinas.</p>	


yotiko kag demokratikong pwersa agud maghulag batuk sa rehimen. Ginahatagan tum-ok naton ang pag-angot, pagpahulag kag pag-organisa sang mga patriyotikong pwersa nga napukaw sa walay huya nga pagkapapet ni Arroyo. Lakip na diri ang mga empleyado sang reaksyunaryong gubyerno kag mga pwersa sang reaksyunaryo nga militar kag pulisya, amo man ang mga mataas nga pinuno sa manubo nga lebel, nga ginatublag, namuklat kag nagalunsar sang mga protesta sa atubang sang naglupok subong nga malala nga kagarukan sa gubyerno kag armado nga pwersa sini.

Ginahimuslan kag ginapasingki naton ang mga banggianay sa sulod sang armado nga kusog sang reaksyunaryo nga estado. Husto nga temporaryo makig-angot kita pati sa iban nga reaksyunaryo agud ihamulag ang pangunahon nga kaaway sa poder.

Amo man, indi naton pagpabay-an nga mahimuslan ang sitwasyon sang mga wala nagahinulsol kag wala pa lubos makabayad sa dalagku nga kriminal nga berdugo kag pagpangawat sa banwa, mga ginakaugtan nga salin sang hubon Marcos kag hubon Estrada agud makapangibabaw ang tingog kag makabalik ukon makaagaw sang poder. Kinahanglan padayon sila nga ihamulag, sikwayon kag batuan.

Kadungan sini, ginapanawagan sang Partido ang pagpursiger kag pagpapagsik sang mga taktikal nga opensiba sang Bag-ong Hangaway sang Banwa batuk sa mga armadong pwersa sang reaksyunaryo nga estado bilang pagsabat sa pagkurukuso sang reaksyunaryo nga militar nga magsaylo sang mga pwersa sa mga ginakonsentranan nga prenteng gerilya; pagsukot sa pagpasingki sang pasista nga terorismo sang rehimeng Arroyo sa kamuhan kag kasyudaran; kag pagbatu sa armado nga interbensyon sang US sa pungsod. Signipikante ang igabunga sang pagpaikit kag pagpabaskog sang mga taktikal nga opensiba sang BHB sa dugang pa nga pagpasingki sang pangpulitika nga krisis sang bilog nga reaksyunaryo nga nagaharing sistema.

Sa atubang sang malala nga krisis kag pagkasa naton sang mga taktikal nga tikang kag pagpadasig sang mga hilikuton agud hingalitan ang paborable nga sitwasyon, importante maathag man naton sa pwersa kag pumuluyo ang ginaugatan sang subong nga krisis kag ang kakinahanglanon sang nagapadayon nga rebolusyonaryo nga pagbag-o sa katilingban agud makahulusga nga tapuson ini. Angot sa makahulusga nga paglubad sa mga basehang palaligban sang pumuluyo kag pag-angkon sang lubos nga kadalag-an, nagahanda kag nagalantaw kita lampas pa sa pagpukan sang isa ukon nagasulunod nga mga reaksyunaryo nga rehimen. ❧



*Away sang mga makawat*

## **Mga kinawatan nga manggad sang mga Arroyo, ginbuyagyag ni Lacson**

**K**ilala gid sang makawat ang pareho nga makawat. Matingkad ini nga ginpakita ni Sen. Panfilo Lacson sining Septyembre 1 sang ang ginbuhat niya kag sang padrino niya nga si Joseph Estrada amo man ang ginabuhat subong sang mag-asawa nga Arroyo.

Pito pa ka sekreto nga *bank account* nga nagaunod sang P168 milyong nga ginkurakot sang mag-asawa ang ginbuyagyag ni Lacson, dugang pa sa lima ka *bank account* nga nagaunod sang kabilugan nga kantidad sang P132 milyon nga una niyang ginbulgar.

Ang nasambit nga mga deposito sa bangko sa pangalan ni "Jose Pidal," alyas ni Jose Miquel "Mike" Arroyo (bana sang presidente); ni Victoria Toh, sekretarya kag kabit sang First Gentleman; kag mga kapamilya ni Toh. Kon tingubon, maabot sa P260 milyon ang nadiskubre nga ginkawat nga manggad sang mag-asawa nga Arroyo. Wala maisip diri ang mga wala pa maukay sa sulod kag guwa sang pungsod.

Suno kay Lacson, ang nasambit nga kantidad naghalin sa P270.8 milyon nga kontribusyon sa kumpanyang pang-eleksyon ni Gloria Arroyo sadtong 2000 nga hungod gintago kag wala gindeklarar. Nag-abot kuno sa P321 milyon ang tanan nga kontribusyon ugaling mga P50 milyon lamang ang ginreport nga gastos ni Arroyo sa Commission Elections.

Luwas sa kantidad nga ginhulog sang mga Arroyo sa mga sekreto nga *bank account*, may nagkadto man sa Lualhati Foundation, isa sa mga prenteng organisasyon nga ginagamit nga alagyan sang mag-asawa nga Arro-

yo para sa ila pagpangawat.

Bilang dugang nga paagi sang pagtago sa matuod nga ginhalinan sang gatos milyon ng kantidad sini, masobra P18 milyon sini ginpagguwa anay sa pungsod kag sang ulihi ginpadeposito sa mga *bank account* ni "Jose Pidal" halin sa nagkalain-lain nga bangko sa Hongkong.

Mabaskog ang maniobrahan sang magtimbang nga kampo halin sang nabuyag-yag ang mga sekreto nga *bank account*. Ginkuot sadtong Agosto 26 sang mga tinawo sang Malakanyang halin sa isa ka *safe-house* sa Tagaytay City si Eugenio "Udong" Mahusay, anay ginasaligan nga tinawo ni Miquel Arroyo nga magtestigo ang daan niya nga amo kag si "Jose Pidal" isa lang. Ginbawi ni Mahusay ang ginsumpaan niya nga salaysay ugaling sa pagka-utod-utod sang bag-o nga estorya amo ang labi lamang nagtum-ok sa mag-asawa nga Arroyo.

Sa kagustuhan nga makalusot, naghi-mo sang kaladlawan nga tikang si Mike Arroyo: gulpe nga ginpagguwa ang manghod nga si Ignacio kag ginpaako nga siya si Jose Pidal. Ugaling wala sang nagtukob sa binuang nga tikang ni Arroyo.

Suno kay Lacson, nga nag-atubang man subong sang kaso nga pagtago sang mga *bank account* kag iba pa nga propyedad sa US nga nakakantidad sang minilyun-milyon nga dolyar, may masunod pa siya nga palukpon nga bomba kag palutawon nga testigo batuk sa mga Arroyo.

Samtang padayon ang habuyanay sang akusayon sang mahakab nga lunsay makawat, nagasingki ang bangga sang mga paksyon nagaagawan sa poder. Nagadaku nga nagadaku ang posibilidad nga matumba ang gubyernong Arroyo bangud sa bugat sang mabuyagyag na ang mga anomalya kag kagarukan sang iya rehimen, maluwas pa sa hayag nga target kag militarista sini. Dapat maabtik kag makahulugang nga maghulag ang mga ligal nga demokratiko nga pwersa kag iba pa nga progresibo nga pwersa para malig-on nga pamunuan kag masulong ang mga paghimakas sang pumuluho, makurit ang progresibo nga panindugan kag linya sa mga hitabo kag paghulag, kag maabangan ang pagbulos sa pagpukan sa rehimen sang pareho man sini nga garuk, idu-idu kag pasista. ❧



## 22 armas, naagaw sang BHB sa mga reyd kag ambus

BAYNTE DOS ka mabaskog nga armas ang naagaw sang Bag-ong Hangaway sang Banwa (BHB) halin sa madinalag-on nga taktikal nga opensiba nga ginlunsar sa nagkalain-lain nga bahin sang pungsod sining Agosto kag Septyembre. Pitong pwersa sang kaaway ang napatay kag anum ang napilasan sa nasambit nga mga opensiba.

**Sa Compostela Valley.** Isa ka suldado ang napatay kag apat ang napilasan sang gin-ambus sang Pulang hangaway ang mga nagapatrulya nga suldado sang 45th Scout Ranger Company sa Barangay Andap, New Bataan sining Septyembre 4.

**Sa Bukidnon.** Ginsalakay sang mga Pulang hangaway sang Ernesto Roa Command sining Agosto 28 ang isa ka detachment sang Bravo Company sang 8th IB sa Valencia City. Anum ka M14, anum ka Garand, isa ka M16 kag duha ka karbin ang nakumpiska sang BHB. Wala sang bisan isa ka lupok sa reyd nga ini nga gintama nga nagakaon ang mga reaksyunaryong tropa.

**Sa Masbate.** Ginapalukpan sang BHB sang bomba sadtong Agosto 29 ang salakyan sang isa ka grupo sang pulis kag militar sa Sityo Sug-ong, Barangay Lagta, banwa sang Baleno.

Napatay ang duha ka pulis kag tatlo ka elemento sang CVO. Ang nasambit nga tropa magaresponder kunta sa pagsilut sang BHB sa isa ka retiradong pulis.


**Sa Camarines Sur.** Ginreyd sang BHB ang PNP Kababayan Center 6 sa Barangay Carolina, Naga City, bandang alas 11:30 sa aga sining Septyembre 2. Napatay ang isa ka pulis kag napilasan ang duha pa.

**Sa Mindoro.** Kinse ka mabaskog nga armas ang nakumpiska sang BHB sa magkasunod nga taktikal nga opensiba sadtong Agosto 19 kag 20 sa duha ka prubinsya sang Mindoro. Suno kay Victor Rivero, tagapamaba sang Lucio de Guzman Command, ginalakipan ini sang 56 mm *bazooka*, isa ka M203, mga pistola, mga bala kag iban pa nga kagamitang militar.

Gin-ambus sang BHB sadtong Agosto 19 ang Special Forces Company sa Sityo Singco, Barangay Bukal, Bongabong, Oriental Mindoro. Masunod nga adlaw, gin-ambus naman ang "C" Company sang 16th IB sa Sityo Kambingan, Barangay San Agustin, Sablayan, Occidental Mindoro.

**Sa Quezon.** Ginreport sang Apolonio Mendoza Command nga tatlo ka kalibreng .50 masinggan kag duha ka M16 ang naagaw

sang BHB sa pag-atake sini sadtong Agosto 19 sa isa ka barko sang Philippine Navy kag hedkwarters sang Coast Guard sa Barangay Ungos, banwa sang Real. ❧



# Mga suldado sang AFP, CAFGU sa Agusan del Sur, nag-entra sa BHB

**G**inabuyok sang Partido Komunista sang Pilipinas (PKP) nga mag-entra sa rebolusyonaryong hublag ang mas madamo pa nga upisyal kag suldado sang reaksyunaryo nga gubyrno. Sa isa ka apat-ka-pahina nga sulat sining Septyembre 4, ginakumbinse ni Gregorio "Ka Roger" Rosal, tagapamaba sang PKP, ang mga tropa sang gubyrno nga mag-entra sa rebolusyonaryong hublag ukon magbulig diri paagi sang pagpasa sang mga armas halin sa mga armori sang militar, paghatag malahalon nga impormasyon kag iban pa nga rebolusyonaryong hilikuton.

Liwat ginpahibalo ni Ka Roger ang pagkapundar sang Lt. Crispin Tagamolila Movement (LCTM) sa sulod sang AFP. Ginpangalan ang LCTM sa isa ka gradweyt sang Philippine Military Academy nga nag-entra sa BHB sadtong 1971 kag namartir sa isa ka engkwentro sa Isabela sadtong 1973. Siling ni Ka Roger, ang pag-entra sa LCTM katumbas sang panindugan batuk sa pagkapapet, korapsyon kag terorista nga todogera sang idu-ido nga gubyrno.

Direkta nga nagsulat si Roger sa mga manubo nga upisyal kag ordinaryo nga suldado kag elemento sang AFP, PNP kag CAFGU nga siling niya naghalin man sa mga imol, ginapigos kag ginahimuslan nga masa kag gina-ulipon man sang mataas nga upisyal sa organisasyon militar.

Nagsuhestyon si Ka Roger sang nagkalain-lain nga paagi agud makabulig ang mga suldado sa rebolusyonaryong hublag.

Una, ang pagtukod sang sekreto nga *study group* agud tun-an ang ila mga reklamo kag iangot ang mga ini sa mga basehan nga problema sang pumuluyong Pilipino.

Ginsuhestyon man ni Ka Roger sa mga suldado nga maglunsar sang mga hayag nga paghimakas agud ipamilit ang ila lehitimo nga kinamatarung kag interes.

"Mahimo man sila magpagguwa sang mga bukas nga sulat, magtukod sang mga unyon kag maggamit

sang "pagka-kumprehensibo, signipikante kag madalom sa pagpresentar sang mga pundamental nga problema sang pumuluyo nga Pilipino."

Ginsiling ni Ka Roger sa mga manubo nga upisyal kag suldado nga mahimo sila maglikaw sa mga engkwentro sa BHB. Kon indi malikawan ini, mahimo sila magpangayo gilayon sang untat-lupok kag ihatag ang ila mga armas sa BHB, hambal niya. "Indi sila dapat magpakamatay bangud sa isa ka garuk nga organisasyon kag garuk nga sistema," siling ni Ka Roger.

Ginapahanumdom ni Ka Roger sa ila nga ginasiguro sang rebolusyonaryong hublag ang mga kinamatarung sang mga nagsurender nga suldado kag pagtrato sini sang makatawo ang mga gindakop nga suldado santo sa mga pangkalibutanon nga pagsulundan sang gera kag tawhanon nga layi.

## Mga suldado sang AFP, CAFGU sa Agusan del Sur, nag-entra sa BHB

GINKUMPIRMA ni Jorge "Ka Oris" Madlos, tagapamaba sang NDF-Mindanao, ang pagsaylo sa BHB sang duha ka suldado sang Philippine Army kag sang ginapamunuan nila nga duha ka platoon sang CAFGU sa Agusan del Sur sadtong Agosto 7. Antes mag-angot sa BHB, ginkuripon nila ang mga armas sa tatlo ka detachment sa Barangay Binakalan kag Mahayahay, banwa sang San Luis.

Sanday Cpl. Edward Querante kag PFC Boboy Abdulhasad, halin sa "C" Company sang 29th IB, kag pito ka elemento sang CAFGU ginbuligan sang mga lokal nga milisya na hilway makasulod sa teritoryo sang BHB. Dala nila ang isa ka M203, duha M16, duha ka M14 kag apat ka Garand. Ang iban nga wala makaangot sa BHB gindakup sang militar.

Suno kay Ka Oris, naghalin sa serbisyo ang mga suldado kag mga elemento sang CAFGU bangud indi na nila maagwanta ang pagpahog kag pagmaltrato sang ila mga upisyal; pag-atrasar ukon indi paghatag sang ila mga suplay nga pagkaon kag kagamitan militar, sweldo kag alawans; kag pagpang-abuso sa kakainhan.

Matandaan sadtong Hunyo may isa ka iskward man sang MNLF integree kag grupo sang CAFGU halin sa nasambit nga kumpanya ang naghalin sa ila yunit bangud sa amon man nga reklamo.

Nagapanawagan si Ka Oris sa tanan nga sinsero kag patriyotiko nga suldado kag upisyal sang AFP, PNP kag CAFGU nga maghiliusa sa pumuluyo kag ihamulag ang kagarukan sang AFP. Dugang niya, mahimo man sila makigbuligay sang sekreto sa masa ukon sa mga yunit sang BHB ukon indi pa siya lubos mag-entra diri.

## Maayo nga pagpamuno sang Partido sa lokalidad

**B**uhi katama ang proletaryo nga pagpamuno kag ispiritu sang matuod nga demokrasya kag rebolusyonaryo nga pagbag-o sa katilingban sa mga lugar nga mauswagon na ang mga sanga sang Partido sa lokalidad kag nakatindog na ang mga ini sa kaugalingon. Diri mabatyagan ang pagpamuno sang Partido kag sang pamunuan sang mga asosasyong masa sa kata-lom sang mga panawagan kag kapagsik sang sabat diri sang mga tagabaryo.

Amo sini ang kahimtangan sa isa ka baryo sa Samar nga masobra 20 anyos na nga ginahulagan sang BHB kag nasakop na subong sang Pulang gahum sang pumuluyo. Duha ka dekada na nga nakatindog ang sangay sang Partido sa baryo.

Mataas na ang lebel nga gin-abot sang pag-organisa sa baryo. Duha ka dekada na nga may naga-tindog nga lubos nga asosasyon sang masa. Halos tanan nga imol kag manubo nga nahanunga nga mangunguma ang nakapasulod sa mga asosasyong masa. Anum ka tawo na lang ang wala naorganisa sa baryo, kag ini bangud lang sila mga bag-o nga abot sa lugar kag ginapadalman pa ang pagkilala sa ila. Ang mga nahanunga nga pwera, lakip ang manggaranon nga mangunguma, mga katapu

sang sangguniang barangay kag iban pa organisado man sa rebolusyonaryo nga tago kahublagan.

Sa gin-abot na sini nga lebel, matalom nga natalana sang Partido sa lokalidad ang husto nga linya pangpulitika kag santo nga pamaagi sang paghulag sa mga pangmasang paghimakas. Naangkon ini bangud man sa pagtinguha nga konsultahon kag agumon ang paghiliusa sang tanan nga tagabaryo agud mag-suporta sa mga panawagan. Ang maayo nga pagpamuno sang sanga kag organisasyong masa nakabase sa pag-analisa, nakapanahon kag desaysibo nga pagsabat sa mga kinahanglanon kag mga *araba* ukon reklamo sang pumuluyo. Sa sining nga pamaagi, nasiguro ang mainit nga pagsabat sang pumuluyo sa mga panawagan sa rebolusyong

agrario kag iban pa nga pangmasa nga paghimakas. Daku na katama ang naangkon nga benepisyo sang mga tagabaryo sa pagsulong sang mga paghimakas agrario sa pagpamuno sang Partido. Bangud sa pag-uswag sang pangabuhian sang masang mangunguma, naggamay ang kinahanglanon nga mangutang. Halos nadula na ang usura sa baryo.

Sa mga kahimtangan nga ginakulang ang pila ka imol nga mangunguma, labi na kinahanglanon para sa konsumuhan nga humay, ginabuyok ang mga manggaranon nga mangunguma nga magpahulam sang humay nga halos wala interes.

Sa proseso man ang rebolusyonaryong hublag sa baryo sa pagpino sang kampanya agud panubun ang presyo sang mga paninda. Sa subong, nakaprograma nga aregluhon ang mga polisy agud magbalanse sang husto nga presyo sang mga balaligyaon kag nagakaigo nga tubo para sa mga tag-iya sang tindahan.

**A**ng pagbalay sang mga kampa-nya kag pangmasa nga paghimakas marikot nga proseso sang paghibalo kag pagtuon sa kongkretong nga kahimtangan sang pumuluyo, mapagsik nga konsultasyon kag pagbalay sang hugot nga paghiliusa.

Kinaandan nagapaabot sang pangkabilugan nga panawagan ang seksyon komite sang Partido nga ginalakipan sang komite tagapatuman sang sanga sa yunit sang BHB kag mga sekretaryo sang mga sanga sang Partido sa magkaiping nga baryo. Ang pagpino ukon anuman nga pagbag-o sa plano kag ang aktwal nga paagi sang pagpatuman sang panawagan sang seksyon ginabalay na sang sanga sa baryo.





**Ang pagpapahayag ng iba't ibang panaw ay pinadadaloy sa mga talakayan ng mga grupo di lamang sa loob ng mga ganap na samahang masa ng magsasaka kundi pati sa mga grupo ng panggitnang pwersa at iba pa.**

Una nga tikang sang sanga ang pagkonsulta sa komiteng tagapatuman sang mga sanga sang PKM, MAKIBAKA kag KM sa baryo. Base sa mga datos kag paglantaw nga ginapagguwa sang mga ini, maid-id nga ginatun-an sang sanga ang nagakasanto bala nga panawagan sa aktwal nga kahimtangan sa baryo.

Sa halintang nga ini, kinaandan ginapaabot sang sanga sa seksyon komite kon may mga kinahanglanon nga dugang sa panawagan base sa resulta sang konsultasyon. Ginatalakay sang seksyon komite kag masami ginapasulod man sa pangkabilugan nga plano ang mga dugang sang sanga.

Masunod nga tikang ang pag-presentar sang ginbalay nga plano sa komite sang sanga sang mga asosasyong masa agud pinuhon pa kag isahan. Diri man ginabalay ang aktwal nga taktika nga gamiton, lakip ang mga pamaagi kon paano mangkon ang paghiliusa sang bilog nga katapuan sang mga asosasyong masa kag ang paghiliusa sang sangguniang barangay. Ang pinakaulihi nga tikang amo ang pagpatawag sang asembleya sang tagabaryo agud pormal nga isahan kag aprubahan ang mga bag-o nga pagsulundan kag mga katimbang nga plano.

Sa pagpasulong sang rebolusyong agraryo, demokrtatiko nga konsultasyon ang paagi sang pangkon sang mga demanda bangud ang mga nahanunga nga pwersa ang ginademandahan kag kadam-an mga alyado man. Ang mga manggaranon nga mangunga kag nahanunga nga mangunguma nga nagapautang,

ang arkila sang kusog-trabaho kag nagapang-iyang sang mga tindahan mga abyan sang rebolusyonaryong hublag kag sa sini wala ginagamitan sang antagonistiko nga pamaagi sa mga paghimakas agraryo.

Sa bilog nga proseso nga ini indi malikawan ang bangga sang mga ideya. Sa mga panawagan nahanungod sa pagpataas sang suhol sang mga mamumugon sa uma, halimbawa, may mga kahimtangan nga mabugnaw ukon nagapamalabag din ang mga manggaranon nga mangunguma gani nagluntad ang pagbayluhanay sang mga rason. Ang pagpahayag sang lain-lain nga panan-awan ginapaagi sa mga talakayan sang mga grupo indi lang sa sulod sang lubos nga mga asosasyong masa sang mangunguma kundi sa mga grupo sang nahanunga nga pwersa kag iban pa. Sa mga ini ginatun-an liwat ang pila ka bahin sang Rebolusyonaryong Gabay sa Reporma sa Lupa bilang balayon sang kampanya kag paghatag-tumok sa basehan nga mga panawagan.

Sa mga kampanya para pataason ang suhol sang mga mamumugon sa uma ukon ang presyo sang produkto sang mga mangunguma, ginaanalisa ang mga kantitatibo nga basehan para sa panawagan. Agud mangin maathag, ginahimo nga halimbawa ang kaso sa tipikal nga pamilya nga mangunguma, ang ila kita kag gastos. Ginapakita man ang subong nga kabilugan nga kita, gastos kag neto nga kita sang manggaranon nga mangunguma kag ginatantya nga rasonable lamang ang mabuhin

diri kon mapatuman ang panawagan. Ginahimo ini agud sabton ang argumento nga mawad-an sang tubo ang manggaranon nga mangunguma kung igataas ang suhol. Ginaathag nga ang mga kwenta ginasandig tanan sa subong nga presyo kag ginapat-ud nga may rasonable pa gihapon nga pagakitaon ang manggaranon nga mangunguma kag indi lapaw sa iya ikasarang ang ginapangayo nga dugang. Sa subong, ginapat-ud sang Partido kag rebolusyonaryong hublag nga indi madula ang saray sang manggaranon nga mangunguma sa baryo bangud may malahalon nga papel gihapon sila sa ekonomya sang mga mangunguma.

Sa abot nga masarangan, ginaatinguha nga mabilog ang konsensus sang pumuluyo. Kon tubtub sa asembleya sang mga tagabaryo indi gihapon maabot ang konsensus, ginapaagi ang halambalanon sa botohan. Ang pagsunod sang tanan nga desisyon sang mayorya amo ang bunga sang mga pangpulitika nga edukasyon nga ginahatag sang rebolusyonaryong hublag maluwas sa kusog sang impluwensya kag mataas nga prestihiyo sang Partido kag BHB sa lugar.

Agud masunod ang ginkasugtan kag amligan ang interes sang mga imol, hugot ang pagsubaybay sang sanga kag mga asosasyong masa sa implementasyon.

Bangud sa maayo nga pagpamuno sang sanga kag hugot nga paghiliusa sang mga tagabaryo, ang mga desisyon kag pagsulundan sa lugar ginasunod pati sang mga nagaday-o. Halimbawa, may isa ka manggaranon nga mangunguma sa iban nga baryo nga makabakal sang duta sa lugar kag nagapatuman sang daan nga lebel sang pagsuhol. Malig-on pero mahalong siya nga gin-atubang sang mga mangunguma agud paathagan nahanungod sa naabot nga kasugtaan sa baryo nahanungod sa pagsuhol. Nagsunod diri ang manggaranon nga mangunguma.

*Halin sa kubay sang mga pamatan-on nga estudyante*

## Si Ka Leo sa kaumhan

*Sining ikaduha nga tunga sang nagtaliwan nga dekada, nagkadto sa kaumhan agud mag-amot sa armadong paghimakas ang signipikante nga numero sang mga estudyante halin sa kasyudaran. Naka-interbyu sang Ang Bayan sa isa ka sonang gerilya sa Albay si Ka Leo, isa sa nasambit nga mga estudyante nga nagpultaym kag padayon subong nga nagahimakas upod ang masa sa kaumhan.*

**D**aku nga kalipay ang ginbag-o ni Ka Leo halin sadtong nagsulod siya sa sonang gerilya anum ka tuig na ang nagtaliwan. Pinakamalahalon sa tanan nga ini ang iya dugang nga kapagsik kag terminasyon nga maghulag sa patag sang armadong paghimakas.

Halin si Ka Leo sa kubay sang mga militante nga estudyante sa isa ka unibersidad sa Maynila. Nangin katapu siya sang Kabataang Makabayan sadtong 1995.

Nagdesisyon siya nga magpultaym sa kaumhan sadtong temprano nga bahin sang 1997. Ugaling gusto anay niya maeksperensyahan mangabuhi sa Pulang hangaway kag masa sa kaumhan, kag magdesisyon kon sa kasyudaran ukon sa kaumhan magapadayon sa paghulag. Gani sadtong ulihi nga bahin sang 1997, sumulod siya sa isa ka sonang gerilya sa Albay para sa tatlo ka bulan nga programa sang integrasyon sa kaumhan.

Sa sulod sang tatlo ka bulan, nagsulod sa isip niya ang kakinahanglanon sa kaumhan sang mga pamatan-on nga may ikasarang maghatag sang mga pagtuon. Ginpaathag sa iya sang mga kaupod nga may daku siya nga maamot sa hilikuton sang BHB, ilabi na sa paghatag sang mga pangmasa nga pagtuon.

Sa sulod sang tatlo ka bulan nga ina, napanday niya ang kahanadaan nga magbuhos sang bug-os panahon sa patag sang armadong paghimakas. Gani pagkatapos ang tatlo ka bulan, wala sang pagduhaduha nga nagdesisyon siya magpultaym sa kaumhan.

Bangud sa bag-uhan kag nagdaku sa syudad, gin-agnan ni Ka Leo ang pila ka kabudlayan sa pag-

bagay sa bag-o kag mabudlay nga hilikuton, kahimtangan kag pagpangabuhi.

Ang pinakamabudlay nga sitwasyon nga iya ginaatubang sang magbanga niya

ang isa ka beterano nga kaupod angot sa pagpamuno niya bilang iskward lider.

Temporaryo siya nga nanghina sa paghulag, ugaling sa bulig sang mga kaupod kag sa paagi sang pagsaway sa kaugalingon, bumalik ang iya kapagsik sa paghulag nga nangin dalayon tubtub subong.

Sa ubay sang proletaryo nga ideolohiya, gintinguhaan ni Ka Leo nga lubos tun-an kag mahalon ang pagpangabuhi sa kaumhan. Sa amo man, gintinguhaan niya permi nga bantayan kag sikwayon ang petiburges nga pagpamensar kag gawi kag mainternalisa ang proletaryo nga kaisipan kag kultura. Gintun-an niya ang ginahulagan nga lugar kag ginkilala ang masa. Natun-an niya ang husto nga paagi sa pagpakigbagay sa masa. Suno kay Ka Leo, "malahalon nga kaptan ang simple nga pagpangabuhi sa tanan nga oras." Suno sa iya, sa

tanan nga kahigayunan indi dapat kalimtan mangin matinahuron sa masa kag permi pamatian ang ila mga problema kag paglantaw. Siling niya: Sobra pa sa armas ang masa sa kaluwasan sang hangaway sa atubang sang kaaway. Nangin hangkat man kay Ka Leo ang mahibal-an ang lenggwaheng Bikol. Mapasensyahan niya nga gintun-an ang lenggwahe, nga malahalon para sa dugang nga pag-abot kag panghangup sa masa kag mga kaupod. Wala magdugay, makahambal siya sang diretso kag malapad man ang iya bokabularyo sa lokal nga lenggwahe.

Daku ang nabulig sa pag-uswag sang iya rebolusyonaryo nga praktika ag pagka-iskwad lider niya sa sulod sang duha ka tuig. Puro pamatan-on sila tanan sa iskward nga ato sa isa

ka erya nga indi gid konsolidado ang kahublagang masa. Nagagi sila sang kabudlayan kag sakripisyo. Ugaling suno kay Ka Leo, ang mga kadalag-an sa pagorganisa sang masa sa baryo ang nakapabakod sang kaugalingon kag nakapataas sa iya militansya.

Subong, daku ang gin-amot ni Ka Leo sa hilikuton edukasyon kag pagorganisa sa ginahulagan nga lugar sa Albay. Kag halin sa iya mga inagihan sa pagpultaym sa kaumhan, siya naman subong ang nagabulig kag nagaalalay sa mga kaupod nga bag-ong pultaym sa hangaway.

Isa lamang si Ka Leo sa mga pamatan-on nga nagdesisyon ibuhos ang kusog kag kaalam sa pagalagad sa pumuluyo paagi sa lubos panahon nga paghulag sa kaumhan. Malahalon ang papel nga ginatungdan sang mga pamatan-on nga kapareho niya. ❧







# Nagalapnag ang armado nga pagbato sang mga Iraqi

**S**amtang nagalawig, labing nagadalom ang pagkalunod sang imperyalismong US sa kumunoy sang Iraq. Pagkatapos sang madasigan nga pagsalakay kag sakupon ang Iraq, ginaatubang subong sang mga tropa sang US ang tanan-nga-bahin nga pagpamatuk sang pumuluyong Iraqi, ang nagadalom nga demoralisasyon kag pagkanerbiyos amo man ang nagabaskog nga panawagan sang pumuluyong Amerikano nga paulion ang ila mga suldado, kag padayon kag nagabaskog mga mga pagkamalaut sang pumuluyo kag oposisyon sa US sa ginahimo nga pagpang-atake kg padayon nga pag-okupar sang US sa Iraq.

Nagapadayon nga nagalapnag kag nagasingki ang armado kag di-armado nga pagpakig-away sang pumuluyong Iraqi batuk sa kolonyal nga mananakop.

Nagatuhan subong sa nagkalain-lain nga pungsod ang magagmay nga grupo nga gerilya nga nagatake sa hitad na nga mga tropa nga Amerikano.

Pila ka bulan na nga ginapilit nga lutuson sang mga tropa nga Amerikano kag British ang nagatuluhan nga kahublagang gerilya. Sa pagpakig-engkwentro sang mga Iraqi sa mga tropa nga may superyor nga armas, paliwat-liwat nila ginapakita ang ila bentaha sa lugar kag desisyon nga magbato. Kon sa diin nagahalin ang mga armado nga Iraqi nga nagabira sa mga tropa nga Amerikano. Wala sang adlaw nga mag-agi nga indi

mag-angkon sang kahalitan ang mga mananakop nga tropa. Sa kamatuoran, mas madamo nga tropa nga Amerikano ang napatay umpisa gindeklarar ni Bush nga tapos na ang "mayor nga operasyon kombat" sadtong Mayo 1 ikumparar sa numero sang mga tropa nga namatay sadto mismo gera sang pagpanalakay. Sadtong Agosto 27, nag-abot na sa 333 ang napatay sa panahon sa pagpanalakay sang US kag United Kingdom sadtong Abril kag Mayo.

Ginapakagamay sang imperyalismong US ang mga gerilyang Iraqi nga kuno mga "loyalista" lang ni Saddam Hussein ukon indi gani mga salin lang sang Republican Guard. Pero kadungan sini, matalaw nga gin-atras nila ang ila mga tropa kag gin-

pwesto sa guwa sang syudad agud malikawan mangin madali nga target sang atake sang mga gerilya nga nagahukmong diri. Bangud wala sang mahimo ang 148,000 nga pwersa sang US subong sa Iraq, nagdugang na sang tropa ang UK kag plano man nga dugangan ang anuman nga papel sa United Nations (UN) sa "rekonstruksyon" sang Iraq, magpresentar na ang US sang resolusyon sa UN nga magtukod sang isa ka "*multinational peacekeeping force*" nga pamunuan sang US. Ugaling ang plano nga magdugang sang tropa nagapadamo lang sa mga lipong nga target sang mga gerilya nga Iraqi.

Kadungan sang mga aksyon militar, nagalunsar sang maikit nga aksyon protesta ang mga ordinaryo nga pumuluyong Iraqi. Base sa ila mga aksyon kag pahayag, ang mga grupo nga Iraqi, lunsay armado kag indi, wala ginaduso sang kagustuhan nga ibalik ang rehimeng Hussein kundi ang mabaskog nga kaakig kag pagkangil-ad sa arogante, mapangsamad kag mapanghimulos nga pagpanakop sang imperyalismong US.

Nagalala nga kahimtangan sang pumuluyo. Ginatantya nga maabot sa 8,000 ka sibilyan ang napatay kag 20,000 ang napilasan bunga sang pagpanalakay. Wala pa maisip diri ang linibu-libo nga pumuluyo nga biktima sa panahon sang okupasyon dala sang wala pili nga pagpangluthang sang mga tropa nga mananakop, sang kriminalidad nga nagalapnag matapos okupahan sang US ang mga syudad kag pangkabilugan nga kinagamu pangkatilingban.

Minilyon nga Iraqi ang yara sa malala nga kagulutmon kag kawad-on sang trabaho nga waay nila naagyan sa idalom sang rehimen ni Saddam Hussein. Bangud sa wala untat nga pagpangbomba sang US, nagguba ang tanan nga pasilidad nga nagahatag sang basehan nga





serbisyo. Apat ka bulan na ang nakaligad "matapos ang gera" pero utod-utod gihapon ang serbisyo sang kur-yente kag wala pa gihapon sang bastante nga tubig. Agud mabalik lang ang daan nga suplay sang kur-yente sa Iraq, kinahanglan sang \$13 bilyon. Kinahanglan pa sang \$16 bilyon agud mabalik ang suplay sang limpyo nga tubig. Gintantya nga magaabot sa masobra \$100 bilyon ang kinahanglan para makumpuner kag mabalik lang ang daan nga mga pasilidad nga ginguba sang US.

Malaut pa, kulang na ang suplay sang langis. Sa pihak sang manggaranon sa langis kag daan madamuan nga naga-eksport sini, nagaangkat na subong ang Iraq agud pun-an ang ila kinahanglanon. Kulang sa 1 milyon nga bariles kada adlaw ang ginapagguwa sang bubon sang langis sang Iraq-malayo sa 2.8 milyon nga bariles antes ang okupasyon. Ginatantya kinahanglanon mag-angkat sang dugang nga 750,000 bariles sang langis kada bulan ang Iraq agud pun-an ang kakulangan. Sang buksan sang mga tropa nga Amerikano ang mga bubon sang langis sa naaminhan Iraq, gintuyo sini nga eksport ang ginapagguwa nga langis. Bangud sini, akig nga gimbomba sang mga Iraqi ang mga tubo nga ginaagyan sang langis pakadto sa Turkey.

**Pagpanghimulos sang mga korporasyon nga US.** Ang kabudlayan subong sa Iraq ginpalala pa sang kaasab sang mga korporasyon nga Amerikano. Nagakadasma ang mga ini nga makakuha sang pinakadaku nga bentaha sa pinakamadali nga paagi. Ginapauntat sang mga mananakop ang pagkay-o sang mga ospital kag serbisyo medikal nga pangkabilugan bangud sa ginpanugyan sang mga "Amerikano nga adbayer" nga nagakadapat anay mag-agi sa pagtuon sang isa ka kumpanya nga

Amerikano ang tanan nga kagamitan kag medikal suplay. Agud mapadasig ang proseso, napilitan ang Iraq nga magkuha sang suplay sa mga kumpanya nga Amerikano. Amo man, gilayon nga ginpauntat sang US ang operasyon sang isa ka kumpanya nga Liberian nga nagapaandar sang *net-work* sang mga *cellphone* bangud ginabutang kuno sa disbentaha ang iban nga kumpanya.

Sa matuod, ang negosyo sa pagpadalagan sang telekomunikasyon sa Iraq gusto lang sang US nga solohon sang Worldcom, isa ka higante nga monopolyo nga Amerikano nga naimbolbar sa dalagkuan nga pagpangdaya sa US.

**Mapintas nga pagtapna sa mga Iraqi.**

Dugang nga kalakasan kag pagtapna ang sabat sang mga mananakop sa pagpamalibad kag pagbato sang pumuluyo nga Iraqi. Sang magrali ang mga Iraqi sa atubang sang upisina ni Paul Bremer, tagadumala sang US sa Iraq, ginapaulan sang bala sang mga suldado nga Amerikano ang demonstrasyon. Duha ang gilayon nga napatay. Sang magrali ang pumuluyo sa Fallujah sang Abril, 16 ang napatay sa ginpangluthang sang mga suldado nga Amerikano. Amo man ang natabo sa Mosul kag Karbala kon sa diin 14 ang napatay. Sang dalhon sang mga Iraqi ang ila mga reklamo sa midya, ginharas ukon ginpasara sang US ang mga ini.

Dala ang kakulba, wala pili nga ginapalukpan sang mga suldado nga Amerikano ang sin-o man ginasuspetsahan-mangin mga bata, mal-am, kababainhan kag bisan mga myembro sang midya. Lapnagon ang arbitraryo nga nagapangi-

ta, pang-aresto kag pagpangharas sa sin-o manginadudahan "loyalista" ni Saddam-nga sa mata sang mga tropa nga Amerikano ginalakipan sang halos tanan nga lalaki nga Iraqi.

**Inutil nga papet sang US.** Inutil kag nangin kaladlawan lang ang papet nga "temporaryo nga konseho" (*interim council*) nga gintukod

sang US sa Iraq. Sa umpisa pa lang, wala ginasuportahan sang mayorya sang pumuluyo ang papet kag pangdekorasyon lang nga konseho gani ini san-o man nangin lehitimo sa mga Iraqi. Kinakangilaran ini sang pumuluyo bangud sa sunud-sunuran sa mga mananakop kag wa-

la ini sang matuod nga gahum kag kusog. Sa iban nga lugar, guba ang mga pangpulitika nga istruktura kag, bangud sa lapnagon nga pagbato, wala paglaum ang US nga maareglo ini sa malapit nga inadlaw. Direkta nga kolonyal nga okupasyon militar sang US ang solo natigayon nga pagginuberno subong sa Iraq kag wala talandaan nga magabag-o ini sa malawig nga panahon.

**Nagabaskog nga pagpamatuk sa US kag UK.** Kadungan sini, naglapad ang kaakig kag pagkangil-ad sang pumuluyo bisan sa sulod sang US kag UK sa ginahimo nga pagdoktor sang mga report-paniktik sang rehimeng Bush kag Blair agud hatagan-rason ang pagpanalakay sa Iraq. Nagabaskog man ang pagpamatuk pati iban nga pwersa nga reaksyunaryo sa sulod sang ila mga pungsod bangud sa nagadamo nga suldado ang nagakalamatay kag nagadaku ang gastos ang mentenaron ang mga ini sa Iraq.

**Maayo nga tipunon ang laptalaptang mga armado nga pwersa kag tukuron ang isa ka pungsodnon nga pwersang gerilya nga makahatag sang mas mabaskog nga bunal sa lawas sang mananakop.**

Dugang diri, sa sulod sang US nagabaskog ang panawagan nga paulion na ang mga tropa nga Amerikano. Mismo ang mga pamilya sang mga suldado ang nagapanguna subong sa pagpauli na sa ila. Nakit-an nila nga isa ka tinunto ang ang ginapabugal sang militar sang US nga gera nga *high-tech* kag promisa sini ng indi makahalit sa ila mga tropa. Buhi katama sa pamensaron sang pumuluyo nga Amerikano ang murto sang Vietnam. Indi maglayo ang mga sangkap nga ini ang magapwersa sa rehimeng Bush nga mag-atras sa Iraq, bisan indi pa lubos sini nakontrol.

**S**amtang nagalawig ang okupasyon sang US sa Iraq, nagakahayag ang estratehiko nga kahinaan sini sa patag sang pulitika kag gera. Salaming ini sang wala hustisya sang imperyalista nga pagpanakop sa Iraq. Ginapagamay sang US ang ikasarang sang malapad nga masa sang pumuluyo sa Iraq agud batuan ang pagpanakop. Pagabayaran ini sang mahal sang imperyalismong US.

Yara sa pumuluyo sang Iraq ang tanan nga rason kag ikasarang nga palayason ang mga dumuluong nga tropa nga mananakop. Maayo nga tipunon ang lapta-lapta nga mga armado nga pwersa kag tukuron ang isa ka pungsodnon nga pwersang gerilya nga makahatag sang mas mabaskog nga bunal sa lawas sang mananakop. Paborable katama ang sitwasyon sa Iraq agud magtindog kag madasig nga magbaskog ang isa ka partido nga proletaryo kag pamunuan sini ang gera para sa pungsodnon ng pagpahilway sa paagi sang pagsulong sini sa armado nga paghimakas kag paghugpong sa tanan nga demokratiko kag patriyotiko mga sahi, sektor kag sekta nga nga relihiyoso sa Iraq sa isa ka nagahiliugyon nga prente anti-kolonyal. ❧

## Pagpanortyur sang RPA-ABB, ginkundenar

GINKUNDENAR sang KARAPATAN-Negros ang pagtortyur sang RPA-ABB sa mga nadakop sini nga ginaspetsahan nga Bag-ong Hangaway sang Banwa (BHB) sa duha ka insidente sa Cadiz City sadtong Agosto 7 kag 12.

Suno sa pahayag sa midya sang KARAPATAN-Negros, napamatud-an nila sa isa ka pag-imbetiga nga duha sa apat nga nadakop-sanday Alexander Pelayo sang Cadiz City kag Rene Santisteban sang San Carlos City, gintortyur sang mga elemento sang RPA-ABB. Ang duha

nga iban pa amo sanday Rodney Ilustrisimo, 20, kag Richard Gayo, 26, lunsay taga-Hacienda Pula, Barangay E. Lopez, Silay City.

Ginhanot si Pelayo sang kahoy nga uway, ginsipa kag ginkulata sang M16. Waay pa masadyahan ang mga RPA, ginpalukpan nila ini malapit sa dalunggan. Samtang si Santisteban naman gintampuyong sa ulo. Suno sa KARAPATAN, ang apat ginposasan, ginbuta-butan ang mga mata kag ginpahog nga pagapatyon samtang gina-interogar sang mga nagdakop sa ila.

## Paglagas kay Al Ghazi, tapalan para imilitarisa ang mga komunidad sang Moro

MABASKOG nga ginkundenar sang National Democratic Front sa Western Mindanao (NDF-WMR) ang paggamit sang AFP sa paglagas sa terorista nga si Fathur Rohman Al-Ghazi agud tigayunon ang terorista nga todo-gera sa Mindanao kag lubos ibasura ang sugilanon pangkalinungan sa tunga sang rehimeng Arroyo kag Moro Islamic Liberation Front (MILF). Sa isa ka pahayag sining Agosto 28, ginsiling ni Adan Sindapan, tagapamaba sang NDF-WMR, nga hungod ginpapalagyo si Al-Ghazi sa Camp Crame sadtong Hulyo agud makalunsar ang AFP sang mapintas nga operasyon militar sa mga komunidad sang Moro kag labagon ang tawhanon nga kinamatarung sang pumuluyong Moro.

Ginbuyagyag ni Sindapan nga tatlo ka di-armado nga sibilyan ang ginpatay sang mga elemento sang Charlie Coy, Task Force Tabak sang 1st Infantry Division sadtong Agosto 7 sang salakayon sini ang Barangay Bauyan, Sultan Naga Dimaporo, Lanao del Norte agud kuno lagson si Al-Ghazi. Ginpang-

tutdan man sang AFP ang mga balay kag suplay sang pagkaon sang gatus-gatos nga sibilyan nga nagpalagyo sang matabo ang lukpanay. Lima sa walo nga di-armado nga tinawo sang MILF nga ginkuot sang mga suldado halin sa lugar ang ginsalbeyds. Ini sanday Mahmod Esmail, Jeran Ulanda, Gayson Ulanda, Sapra Bago kag Siddiq Edris. Ginhunong anay sila sa kwartel sang 1st Infantry Division sa Upper Pulacan, Labangan, Zamboanga del Sur antes patyon. Wala pa ginpagguwa sanday Sakib Esmail, Mohmin Abdul kag Rasul Hasim. Samtang, ginkuot man sa Lapasan, Cagayan de Oro City sadtong Agosto 19 si Hadji Esmail, utod ni Sakib Esmail.

Nagapanawagan ang NDF-WMR sa tanan nga patriyotiko kag progresibo nga pwersa sa Mindanao nga ibuyagyag kag pamatukan ang padayon nga pagkuot kag pagsalbeyds sang mga ordinario kat inosente nga sibilyan nga Moro sa ngalan sang "gera batuk sa terorismo" nga ginaduso sang rehimeng US-Arroyo.

## Pagbasura sa GATT, ginainsister sang Anakpawis

NAGPANAWAGAN sa Senado sini lang ang grupo nga Anakpawis nga ibasura ang General Agreement on Tariffs and Trade (GATT) nga gintib-ong ni Pres. Gloria Arroyo sadtong senador pa siya kag gin-aprubahan sang senado sadtong 1994.

Ginpabutyag ini ni Rafael "Ka Paeng" Mariano, tagapamuno sang Kilusang Magbubukid ng Pilipinas kag Anakpawis, sa isa ka porum sa Quezon City sining Agosto 22. Siling niya, sa walo ka tuig nga nagpasakop sa balayon sang GATT kag World Trade Organization (WTO), wala sang maayo nga

nadangtan kundi dugang nga kaimulon. Pila ka milyon ang nadulaan trabaho, humabok ang depisit sa negosyo pakadto sa \$5.2 bilyon kag madamo nga mangunguma ang naputo bangud sa pagbaha sang barato nga imported nga produktong agrikultural.

Ang pagbasura sa GATT, suno man kay Carmen "Aling Mameng" Deunida, bise presidente sang Anakpawis, ang una nga tikang agud makagguwa ang pungsod sa WTO nga ginaharian sang mga imperyalista sa pagpanguna sang US.

## Mandu batuk sa amargoso, ginpakamnaut

KAAKIG kag pagpamatok ang nagsug-alaw sa mandu sang Department of Health (DoH) sining karon lang nga untatan na sang mga doktor kag mga nagaobra sa sektor sang ikaayong lawas ang paghatag sang mga bulong halin sa amargoso bilang dugang nga bulong sa balatian nga *diabetes*.

Suno sa mga doktor kag nagaobra sa ikaayong lawas, palaon lang sini ang sitwasyon nga madamo ang may diabetes nga nagasalig sa amo nga bulong bangud wala man sila sang ikasarang ibakal sang mga mahal nga bulong nga himo sang mga

dalagku nga kumpanya.

Ginapamatud-an sang madamo nga pasyente kag bisan sang mga doktor ang positibo nga epekto sang amargoso sa ikaayong lawas sang may *diabetes*.

Suno sa mga doktor, maniobra sang mga dalagku nga parmasyutika sang bulong ang sa likod sining mandu sang DoH. Gusto sini nga pagamayon ang epekto ukon ipahigad ang mga lokal nga herbal nga bulong bangud nabuhinan ang ila pagbaligya kag kita sa pungsod. Sadtong 2002, nag-abot sa P800 milyon ang bili sang nabaligya nga herbal nga bulong.

## Gen. Reyes, nagbiya sa pwesto

NAGRESAYN si Gen. Angelo Reyes bilang Secretary of National Defense sadtong Agosto 28. Duha ka adlaw antes sini, bug-os kabugalon niya ginhambal nga indi siya magpanaog sa pwesto.

Kilala nga *handler* ni Pres. Arroyo si Gen. Reyes sa pagpatuman sang todo-gera batuk sa rebolusyonaryong hublag kag mga polisiya sang imperyalismong US pareho sang Visiting Forces Agreement (VFA), Mutual Logistics Support Agreement (MLSA), Balikatan Exercises kag iban pa.

Pangaduha nga upisyal na sang gubyrno ni Arroyo si Gen. Reyes nga nagbiya halin nga naglupok ang napaslawan nga pagalsa sang 300 nga bataon nga upisyal kag suldado sadtong Hulyo 27. Una nga nagresayn si Gen. Victor Corpus, hepe sang Intelligence Service of the Armed Forces of the Philippines.

Ang pagbiya ni Reyes isa ka desperado nga tikang agud patahawon ang mabaskog nga atake nga ginaani sang administrasyong Arroyo. Gusto man niya makalikaw sa mga akusasyon nga siya kag si Gen. Corpus ang utok sang mga pagpangbomba sa Mindanao, kag sa pagka-imbolbar niya sa nagkalain-lain nga kagarukan.

## Armado nga inaway sa Nepal, naglupok liwat

LIWAT nga naglupok ang armadong paghimakas nga ginapamunuan sang Communist Party of Nepal (Maoist) [CPN (M)] sang napaslawan sining Agosto 27 ang sugilanon pangkalinungan sa tunga sini kag sang monarkiya sang Nepal.

Sining Agosto 31, ginsalakay sang People's Liberation Army (PLA) ang isa ka istasyon sang pulis sa Chapiya, 300 kilometros sa nakatundan sang kapitolyo sang Kathmandu. Apat ka pulis ang napatay kag nakagaw ang mga gerilya sang mga armas kag bala. Duha

pa ka taktikal nga opensiba ang ginlunsar sang PLA sa iban nga lugar sa amo man nga adlaw.

Pito ka bulan man nga nag-atubang sa negosasyon pangkalinungan ang CPN (M). Ugaling matig-a nga nagabalibad ang reaksyunaryo nga gubyrno sang Nepal nga kuhaon ang CPN (M) kag mga organisasyon nga ginapamunuan sini sa listahan sang mga "terorista." Ginpakamalaut man sang CPN (M) ang pagpasilabot sang US sa proseso pangkalinungan.


**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Tuig XXXIV No. 15  
Septyembre 7, 2003  
[www.philippinerevolution.org](http://www.philippinerevolution.org)

Editorial

# Pasingkion ang paghimakas sang pumuluyo agud pukanon ang rehimeng US-Arroyo



**M**adasig nga nagalala ang pagkahamulag sa pumuluyo sang rehimeng US-Arroyo. Isa ka mabaskog nga pangpulitika nga krisis ang nagatay-og su-bong sa nagahari nga estado nga nagahana sang temprano nga pagtapos sa paginahum sang nga rehimeng Arroyo, pareho man sa rehimeng Estrada kag dik-taduryang Marcos, nga lunsay gintabog bangud sa pagkapapet, militarismo kag ka-garukan.

Ginaukay subong sa publiko ang dalagku nga kaso sang korapsyon lunsay sa Malakanyang kag sa AFP nga ginbuyagyag sang pag-alsa militar sadtong Hulyo 27 kag sang mga pulitiko nga pangontra ni Arroyo. Nakaykay man ang res-ponsibilidad sang rehimeng Arroyo sa terorista nga pagpangbomba sa Davao sining una nga bahin sang tuig, amo man ang mga kahalitan nga bunga sang militarisasyon sa kaumhan bangud sa terorista nga todo-gera ni Arroyo.

Lubos nga ginkaakig sang malapad nga pumuluyo ang mga kaso sang dalagkuan nga kagarukan sang mag-asawa nga Arroyo, amo man ang mga personahe nga suod sa ila, labina nga isa ka pag-alsa sang minilyun-milyon nga pumuluyo batuk sa mga kagarukan sang gubyernong Estrada ang nagpwesto sa poder sa rehimen.

Ginagatungan ini sang mabaskog nga kaakig sang pumuluyo nga Pilipino sa pagkapapet kag militarismo sang rehimeng Arroyo. Bunga sang mga polisiya nga makadumuluong kag kontra-pumuluyo sang papet nga republika sa idalom sang rehimeng Arroyo, labing nagalala ang krisis sa ekonomiya kag ang pag-kawasak sang mga pwersa sa produksyon kag kabuhi sang ma-sang anakbalhas. Ginahatagan-dalan sini ang nagadalom nga interbensyon militar sang US, kag sa sulsol sang US, gi-namandu ang nagabaskog nga militarisasyon nga nagaresul-ta sa nagapadamo nga kaso sang paglapas sa tawhanon nga kinamatarung.

Sa pagpamuno sang mga ligal nga pwersa pungsodnon-demokratiko, ang mga papet kag militarista nga polisiya sang

**Mga tampok  
sa isyu nga ini...**

**Iskandalo  
nga Jose Pidal**

PAHINA 3

**22 armas, naagaw  
sg BHB sa mga reyd,  
ambus**

PAHINA 4

**Mga tropa sg AFP,  
CAFGU, nag-entra sa  
BHB sa Agusan** PAHINA 5